

Cefnogi Busnesau yng Ngwynedd Supporting Businesses in Gwynedd



CYNGOR GWYNEDD COUNCIL

Bwletin Gwasanaeth Cefnogi Busnes Gwynedd 05.11.2020

Rheoliadau coronafeirws o 9 Tachwedd 2020

Mae Llywodraeth Cymru wedi rhyddhau canllawiau ynghylch rheolau'r coronafeirws fydd yn eu lle o ddydd Llun 9 Tachwedd 2020. Gellir cael hyd iddynt ar y ddolen ganlynol:

<https://llyw.cymru/rheoliadau-coronafeirws-canllawiau>

Bydd llawer o fusnesau yn cael ailagor, ond hefo mesurau diogelwch mewn lle i weithredu mewn modd saff. Mae busnesau yng Nghymru wedi cael eu hannog i arddangos posteri cod QR ar gyfer ap Covid-19 y GIG yn eu mangreoedd busnes. Serch hynny, mae'n ofynnol i fusnesau sy'n gweithredu mewn lleoliadau risg uchel gasglu gwybodaeth gyswllt. Mae lleoliadau risg uchel yn cynnwys lle bydd cwsmeriaid ac ymwelwyr yn treulio amser hir ar y safle, a/neu o bosibl yn dod i gysylltiad agos â phobl y tu allan i'w cartref (neu aelwyd estynedig os ydynt wedi ffurfio un). Mae enghreifftiau o leoliadau risg uchel y disgwylir iddynt gasglu a chadw gwybodaeth gyswllt yn cynnwys:

- lletygarwch, gan gynnwys tafarndai, bariau, bwytai a chaffis
 - sinemâu
 - gwasanaethau cysylltiad agos, gan gynnwys siopau trin gwallt a siopau barbwr, gwasanaethau harddwch, gwasanaethau tatwio, therapyddion chwaraeon a thylino
 - pyllau nofio, stiwdios ffitrwydd o dan do, campfeydd, sbâs, a chanolfannau neu gyfleusterau hamdden eraill o dan do
 - casinos
 - neuaddau bingo
 - manau addoli
- Gwybodaeth i'w chasglu gan y busnesau hyn

Y gofyniad cyfreithiol ydi casglu enw a gwybodaeth person sy'n ddigonol i alluogi cysylltu â'r person, i'w hysbysu y gallai fod wedi bod yn agored i glefyd coronafeirws yn y fangre (gan gynnwys rhif ffôn a'r dyddiad a'r amser yr oedd y person yn y fangre).

Estyniad i Grant y Cynllun Cymhorthdal Incwm Hunangyflogaeth – SEISS

Mae'r grant yn cael ei ymestyn o 1 Tachwedd 2020 ac mae ar gael ar ffurf dau grant, pob un ar gael am gyfnodau o dri mis rhwng Tachwedd 2020 a Ionawr 2021, a Chwefror 2021 i Ebrill 2021. Bydd y grant am y cyfnod rhwng mis Tachwedd 2020 a mis Ionawr 2021 yn cael ei gyfrifo ar 80% o'r elw masnachu cyfartalog, hyd at uchafswm o £7,500. Bydd y gwasanaeth ar-lein ar gyfer y grant nesaf ar gael o 30 Tachwedd 2020. I gael rhagor o wybodaeth, ewch i:

<https://www.gov.uk/government/publications/self-employment-income-support-scheme-grant-extension.cy>

Ymestyn y Cynllun Ffyrlo

Yn dilyn datganiad Canghellor y DU heddiw, bydd y Cynllun Cadw Swyddi drwy gyfnod y Coronafeirws – a elwir hefyd y cynllun Ffyrlo – yn parhau ar agor tan ddiwedd fis Mawrth 2021, a bydd gweithwyr cyflogedig yn derbyn 80% o'u cyflog cyfredol am yr oriau nad ydynt yn gweithio, hyd at uchafswm o £2,500. Mi fydd hyn yn cael ei adolygu ym mis Ionawr 2021. Unwaith bydd y

canllawiau ychwanegol ynglŷn â'r datganiad yma ar gael, byddwn yn rhoi gwybod i chi.

Diogelu plant mewn lleoliadau gofal plant

Mae gwybodaeth a chanllawiau ategol i helpu darparwyr gofal plant a rhieni i ddiogelu plant wedi cael ei ryddhau. Mae'n cynnwys gwybodaeth am 'Clybiau ar ôl ysgol a darpariaeth cofleidiol', 'Gwybodaeth am y system Profi, Olrhain, Diogelu i rieni a gofalwyr', 'Trafnidiaeth', 'Canllawiau i helpu olrhain cysylltiadau mewn lleoliadau addysg a gofal plant' a mwy. Ewch i:

<https://llyw.cymru/diogelu-plant-mewn-lleoliadau-gofal-plant>

Mae mwy o wybodaeth defnyddiol i'w gael o:

Cyngor Gwynedd – Cefnogaeth i Fusnes

<https://www.gwynedd.llyw.cymru/busnescovid19>

<https://twitter.com/BusnesGwynedd>

Rhwydwaith Busnes Gwynedd

<https://www.gwyneddbusnes.net/Hafan>

<https://twitter.com/gwyneddbusnes>

Busnes Cymru

<https://businesswales.gov.wales/coronavirus-advice/cy/>

<https://twitter.com/busnescymru>

FSB Cymru

https://twitter.com/FSB_Wales

Croeso Cymru

<https://twitter.com/croesocymrubus>

Cofrestru i dderbyn y newyddion diweddaraf
<https://bit.ly/3kIWPAU>

Os oes gennych gwestiwn neu angen cyngor ebostiwch
busnes@gwynedd.llyw.cymru